



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-190-13/22**
Datum: **01.09.2022. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu pravnog lica „EURO COP INVEST“ d.o.o. Bosanska Krupa, za izdavanje vodne dozvole za ispuštanje onečišćenih oborinskih i tehnoloških otpadnih voda sa lokacije objekta benzinske pumpne stanice sa autopraonicom i pratećim sadržajima, izgrađenog u naselju Bosanska Otoka, općina Bosanska Krupa, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „EURO COP INVEST“ d.o.o. Bosanska Krupa, za ispuštanje onečišćenih oborinskih i tehnoloških otpadnih voda sa lokacije objekta benzinske pumpne stanice sa autopraonicom i pratećim sadržajima, izgrađenog u naselju Bosanska Otoka, na zemljištu označenom kao k.č. broj: 293/3 (novi premjer), odnosno k.č. br. 12-317-3 (stari premjer) K.O. Otoka 1, općina Bosanska Krupa.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uvjetima:
 - 3.1. Da korisnik predmetnog objekta benzinske pumpne stanice sa pratećim sadržajima (za koje je izdato odobrenje za građenje i upotrebna dozvola), isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Da u roku važenja ovog rješenja korisnik, „EURO COP INVEST“ d.o.o. Bosanska Krupa, izradi i reviduje projekt vanjskog uređenja predmetnog lokaliteta sa tehničkim rješenjem sistema za prikupljanje, tretman i ispuštanje otpadnih voda iz objekta i sa lokacije predmetnog objekta benzinske pumpne stanice sa autopraonicom i pratećim sadržajima te realizuje radove predviđene izrađenom projektnom dokumentacijom. Projektna dokumentacija treba biti urađena na nivou glavnog projekta od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt („Službene novine Federacije BiH“, broj 17/08 i 38/12).

Projektna dokumentacija pored općih uvjeta treba da obradi sva pitanja definisana članom 5. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22) koja su bitna za konkretan slučaj, a naročito:

 - Situacioni prikaz svih hidrotehničkih objekata na predmetnoj lokaciji, urađen preko katastarske podloge sa prethodno urađenim geodetskim snimkom terena. Uraditi snimak izvedenih instalacija i internih pretakališnih i saobraćajnih površina, radnog prostora autopraonice. Dati prikaz i položaj spremnika za gorivo, objekta autopraonice, i slično;
 - Situacioni prikaz treba da sadrži jasno naznačenu liniju vodnog dobra, odnosno liniju velikih voda ranga pojave 1/100 godina, odnosno proračun velikih voda rijeke Une (podaci o velikim vodama rijeke Une na predmetnoj lokaciji se mogu dobiti od AVP Sava).
 - Hidraulički proračun količina potencijalno zauljenih oborinskih voda koje nastaju na lokalitetu benzinske pumpne stanice i tehničko rješenje njihovog prečišćavanja sa svim potrebnim proračunima i tehničkim opisom u odnosu na izvedeno stanje (ugrađeni separator ulja i masti). Jasno definirati rad autopraonice (autopraonica za koju je podnosilac zahtjeva pribavio upotrebnu dozvolu se nalazi u prizemlju stambeno-poslovnog

- objekta izgrađenog na kraju parcele u pravcu Bužima, i ne koristi se. Podnosilac zahtjeva koristi boks za pranje vozila izgrađen na otvorenom prostoru na krajnjem dijelu parcele u pravcu Krupe, te na toj lokaciji planira izgraditi objekt samouslužne autopraonice). Ako se ista planira koristiti ili graditi novi objekt samouslužne autopraonice, u proračun uključiti i tehnološke otpadne vode koje mogu nastati na radnim i manipulativnim površinama istih;
- Predvidjeti ugradnju separatora ulja i masti u skladu sa EN 858-2, sa koalescentnim filterom i automatskim zatvaračem,
 - dati rješenje konačnog disponiranja prečišćenih voda i naznačiti mjesto vršenja monitoringa prečišćenih voda (okno za uzimanje uzoraka);
 - definirati izradu monitoring okna za uzorkovanje prečišćenih voda, prije ispusta u recipijent, u skladu sa članom 8. stav (8) Uredbe,
 - dati prikaz i opis spremnika za gorivo (materijalizaciju, hidroizolaciju, sistem automatske dojava o procurenju međuplašnog prostora, nacрте spremnika, i slično).
 - jasno naznačiti postojeće stanje i projektom predviđene intervencije,
 - u projektu je potrebno definirati položaj objekta u odnosu na vodno dobro i poplavno područje rijeke Une, koji protiče uz suprotnu stranu magistralne ceste, zone sanitarne zaštite izvorišta vode za piće, te sagledati sve moguće neželjene uticaje na planirani objekt i planiranog objekta na druge objekte i postrojenja, sa osvrtom na uticaje na susjedne parcele i stečena prava korisnika, postojeću infrastrukturu, naselja i slično te dati prijedlog mjera sa tehničkim rješenjem za sprečavanje tih uticaja,
 - ukoliko se nakon izvršenog hidrauličkog proračuna za onečišćene oborinske vode sa prostora internih saobraćajnih i pretakališnih površina, odnosno za tehnološke otpadne vode sa radnog prostora autopraonice, traženo tačkom 3.2. ovog rješenja, ustanovi da kvalitet onečišćenih oborinskih voda ne zadovoljava uvjete propisane Uredbom o ispuštanju otpadnih voda u okoliš i sisteme javne kanalizacije, onda je potrebno, u skladu sa članom 26. stav (2) Uredbe, uraditi detaljan dinamički plan koji sadrži spisak aktivnosti i mjera sa finansijskom procjenom za ulaganja (za svaku narednu godinu razrađeno po godinama) i smanjenje emisija sa predviđenim završetkom aktivnosti do roka iz stava (1) istoga člana, a u cilju zadovoljavanja uslova za ispuštanja tehnoloških otpadnih voda u skladu s Uredbom;
 - projektom može biti obrađen i sadržaj samouslužne autopraonice, a kojeg vlasnik objekta planira izvesti na predmetnoj lokaciji. Za objekt samouslužne autopraonice je potrebno pribaviti akte o građenju, a za aktivnost ispuštanja tehnoloških otpadnih voda sa prostora istog, potrebno je pribaviti i odgovarajuće vodne akte.
- 3.3. Izvršiti ispitivanje izvedenih vanjskih hidroinstalacija na vodonepropusnost i priložiti zapisnik o ispitivanju.
- 3.4. Izvesti okno za uzorkovanje na cijevnom vodu neposredno iza uređaja za tretman otpadnih voda, a prije ispuštanja prečišćenih voda u predviđeni recipijent te izvršiti uzorkovanje otpadnih voda sukladno članu 19. stav (4) Uredbe o ispuštanju otpadnih voda u okoliš i sisteme javne kanalizacije.
- 3.5. Da u roku važenja ovog rješenja, korisnik predmetnog objekta za aktivnosti na predmetnoj lokaciji i objektu pribavi okolinsku dozvolu od strane nadležnog organa uprave.
- 3.6. Da u roku važenja ovog rješenja, korisnik predmetnog objekta pribavi odobrenje operatora javnog gradskog kanalizacionog sistema, ukoliko se ispuštanje otpadnih voda vrši u isti, a kako je to navedeno u priloženom izvještaju o monitoringu otpadnih voda.
- 3.7. Skladištenje nafte i naftnih derivata vršiti u podzemnim dvoplašnim rezervoarima uz primjenu sistema automatske dojava o procurenju međuplašnog prostora, kapaciteta 2x100 m³.
- 3.8. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema zaključenom ugovoru.
- 3.9. Da korisnik predmetnog objekta, za vrijeme trajanja ove dozvole, obezbjeđuje da se oborinske onečišćene vode sa saobraćajnih i pretakališnih površina, odnosno tehnološke otpadne vode sa radnih površina autopraonice nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti i taložnik), a zatim tretirane vode ispuštaju u recipijent.
- 3.10. Objekte za prikupljanje, tretman i ispuštanje onečišćenih oborinskih i tehnoloških otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema

sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.

- 3.11. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbensi, odgovarajuće posude, uređaji za pretakanje i sl.).
- 3.12. Da se redovno vrši monitoring prečišćene oborinske onečišćene vode iz okna za monitoring shodno članu 19. Uredbe o uslovima ispuštanja otpadnih voda u okoliš i sisteme javne kanalizacije te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10).
- 3.13. Talog iz separatora kao ni ostali opasni materijal i opad se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj: 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačke 13. i 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „EURO COP INVEST“ d.o.o. Bosanska Krupa je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa članom 149. Zakona o vodama.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 26. stav (1) Uredbe o ispuštanju otpadnih voda u okoliš i sisteme javne kanalizacije („Sl. novine Federacije BiH“, broj 26/20 i 96/20) se daje sa rokom važenja do 19.12.2023. godine.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, „EURO COP INVEST“ d.o.o. Bosanska Krupa, obratilo se ovoj Agenciji dana 21.04.2022. godine zahtjevom za izdavanje vodne dozvole za ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, izgrađenog u naselju Bosanska Otoka, općina Bosanska Krupa.

U provedenom postupku, uz zahtjev za izdavanje vodne dozvole dostavljena je i pregledana dokumentacija:

- Rješenje o izmjeni podataka; izdano od strane Općinskog suda u Bihaću pod brojem 017-0-Reg-22-000131, dana 18.03.2022. godine (ovjerena kopija),
- Uvjerjenje o registraciji/upisu u Jedinствeni registar obveznika indirektnih poreza; izdano od strane Uprave za indirektno-neizravno oporezivanje Bosne i Hercegovine pod brojem: 04/1-17-1-UPJR/1-4449-2/20, dana 14.09.2020. godine, u Banjaluci (ovjerena kopija),
- Uvjerjenje o registraciji poreznog obveznika, izdano dana 12.04.2022. godine od strane Federalnog ministarstva finansija – finansija, Porezne uprave Federacije BiH – Kantonalnog poreznog ureda BIHAĆ,
- Kopija naloga za plaćanje upravne pristojbe (ovjerena kopija),
- Rješenje, kojim se utvrđuje da su izvedeni radovi na poslovnom objektu i dograđenom stambenom prostoru iznad autopraone u Bos. Otoci u ulici Otočkih heroja na zemljištu označenom kao k.č. br. 293/3 iz zku br. 1078, k.o. Otoka I u vlasništvu investitora „Ibrahimović“ d.o.o. iz Bos. Otoka, izvedeni u skladu sa tehničkim normativima i standardima propisanim za tu vrstu objekata i rješenju o odobrenju za građenje br. UP-1-04-23-1-261/06 od 29.05.2006. godine te se isti kao tehnički ispravan može koristiti; izdano od strane Službe za prostorno uređenje, građenje i zaštitu okoliša Općine Bosanska Krupa pod brojem UP-1-04-23-1-304/12, dana 02.07.2012. godine (kopija),

- Rješenje, kojim se odobrava d.o.o. „Ibrahimović“ Bos. Otoka, dogradnja prizemlja i nadogradnja sprata poslovnog objekta u ulici Otočkih heroja u Bos. Otoci, izgrađenog na zemljištu označenom kao k.č. br. 293/3 iz zku br. 1076 k.o. Otoka 1, u vlasništvu d.o.o. „Ibrahimović“ Bos. Otoka; izdano od strane Službe za prostorno uređenje, imovinsko-pravne i geodetske poslove Općine Bosanska Krupa pod brojem: UP-I-04-23-1-2732/15, dana 28.12.2015. godine (kopija),
- Zemljišnoknjižni izvadak broj: 018-0-NAR-22-000 539, Zemljišnoknjižni uložak broj: 1076, Katastarska općina: Otoka I; izdan od strane Zemljišnoknjižnog ureda Općinskog suda u Bosanskoj Krupi dana 20.04.2022. godine,
- Kopija rješenja, kojim se konstatuje da su ispunjeni uvjeti tehničke opremljenosti, zaštite na radu i unapređenja čovjekove okoline kao i drugi propisani uvjeti za rad benzinske pumpne stanice u Bosanskoj Otoci, Ul. Otočkih heroja bb, u sastavu d.o.o. „IBRAHIMOVIĆ“, sa predmetom poslovanja vršenja trgovine na malo motornim gorivima i mazivima za motorna vozila i motocikle (šifra dj. 50.5050.500), gasom u bocama (šifra dj. 52.486) i raznovrsnom robom (sredstva za higijenu, pića u originalnom pakovanju, duhanski proizvodi, i sl.) (šifra dj. 52.1152.110); izdano od strane Službe za privredu općine Bosanska Krupa pod brojem: 05-UP-1-20-214/03, dana 25.02.2003. godine, u Bosanskoj Krupi,
- Kopija rješenja-prepisa, kojim se utvrđuje da su izvedeni radovi na izgradnji faze „A“ objekta benzinske pumpe, odnosno pumpe, rezervoari, pristupne saobraćajnice i objekti trgovine sa skladištem, u Bosanskoj Otoci na zemljištu označenom kao k.č. br. 12/317-3 (stari premjer) odnosno 293/3 (novi premjer), K.O. Otoka I, čiji je investitor Ibrahimović Enver iz Bosanske Otoka, izvršen je u skladu sa tehničkom dokumentacijom na osnovu koje je izdato odobrenje za građenje broj: 04-351-13/96 od 20.03.1997. godine, svim tehničkim propisima, normativima i standardima propisanim za ovu vrstu objekta, te se isti kao tehnički ispravan može koristiti; izdano od strane Službe za urbanizam i građenje općine Bosanska Krupa pod brojem 04/361-48/97 dana 11.09.1997. godine,
- Izvještaj o ispitivanju otpadne vode Euro Cop Invest d.o.o. Bosanska Krupa, B.S. Bosanska Otoka (separator); urađen od strane Ispitne laboratorije Instituta za hemijsko inženjerstvo d.o.o. Tuzla dana 23.06.2021. godine pod brojem 397-04/21 (kopija),
- Upit o plaćenim PVN-a od 31. maja 2022. godine te odgovor Službe za naplatu prihoda (vodnih naknada) Sektora za ekonomske, pravne, kadrovske i opšte poslove Agencije da navedeni obveznik nije zabilježen u evidenciji plaćanja (kopije e-mailova),
- Upit o plaćenim PVN-a od 26. jula 2022. godine te odgovor šefa Službe za naplatu prihoda (vodnih naknada) Sektora za ekonomske, pravne, kadrovske i opšte poslove Agencije da navedeni obveznik nije zabilježen u evidenciji plaćanja kao niti informacija da je ranije imao vodnu dozvolu te i ako je imao i ako mu je bilo propisano plaćanje PVN, da mora platiti PVN za cijelo vrijeme važenja dozvole (kopije e-mailova),
- Izvještaj o obračunu broja ekvivalentnih stanovnika za mjesec maj 2022. godine – Obrazac „EBS“ Prilog 5 od 06.06.2022. godine (kopija),
- Izvještaj o obračunu broja ekvivalentnih stanovnika za mjesec april 2022. godine – Obrazac „EBS“ Prilog 5 od 06.06.2022. godine (kopija),
- Nalog za plaćanje vodnih naknada od 06.06.2022. godine (kopija),
- Zapisnik o inspekcijskom nadzoru; urađen dana 08.04.2022. godine pod brojem UP1-14-2-00064/2022-1405-P-1045-1-P, od strane Federalnog vodnog inspektora Federalne uprave za inspekcijske poslove (kopija),
- Potvrda o izmirenim obvezama za PVN, data od strane Agencije za vodno područje rijeke Save Sarajevo pod brojem 50-38-87/22, dana 21.07.2022. godine (kopija),
- Zaključak o visini i roku za plaćanje posebnih troškova; izdan od strane Agencije za vodno područje rijeke Save Sarajevo pod brojem: UP-1/21-3-40-190-11/22, dana 04.08.2022. godine te kopija elektronskog naloga za prenos sredstava.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled objekta benzinske pumpne stanice sa pratećim sadržajima „EURO COP INVEST“ d.o.o. Bosanska Krupa, u naselju Bosanska Otoka, grad Bosanska Krupa, i tom prilikom sačinjen zapisnik o uviđaju broj: UP-1/21-3-40-190-12/22, dana 30.08.2022. godine. Poslovni objekt benzinske pumpne stanice sa pratećim sadržajima „EURO COP INVEST“ d.o.o. Bosanska Krupa, Bosanskoj Otoci.

Objekt se sastoji od nadstrešnice sa automatima za istakanje goriva, maloprodajnog objekta sa sanitarnim čvorem, upravnim prostorijama, podzemnih čeličnih dvoplašnih spremika za gorivo te manipulativnog asfaltiranog prostora i zelenila. Objekt se nalazi na ravnom terenu, sa internim saobraćajnim i pretakališnim

površinama na čijem su ulazu i izlazu sa platoa na magistralnu cestu ugrađeni ulični slivnici, a na razdjelnici pretakališnih od manipulativnih površina su ugrađene linijske slivne rešetke.

Sanitarne otpadne vode iz objekta upravne zgrade su kanalizacionim cijevnim sistemom priključene na septik. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom do cestovnog kolektora. Oborinske vode sa manipulativnih i pretakališnih površina, koje mogu da sadrže produkte naftnih derivata i suspendirane materije sa vozila u prometu istim, se nivelacijom terena slijevaju ka linijskim slivnim rešetkama i slivnicima te preko separatora ulja i masti ispuštaju u cestovni kolektor. Manipulativni prostor za tankovanje i pretakanje je betoniran.

Naprijed navedeno se zasniva na usmenim informacijama dobivenim od korisnika predmetnog objekta prilikom vršenja uviđaja na lokaciji, a tačno stanje treba da se potvrdi projektom izvedenog stanja, zahtjevanog tačkom 3.2 rješenja.

Priložen je izvještaj o mjerenju kvaliteta otpadnih tehnoloških voda, urađen juna 2021. godine, koji pokazuje da su parametri u okviru dozvoljenih vrijednosti propisanih Uredbom.

Vlasnik predmetnog objekta je pribavio odobrenje za građenje i upotrebu za objekt autopraonice, lociran na rubu predmetne parcele u pravcu Bužima. Međutim, na suprotnoj strani predmetne parcele je bespravno izgradio prostor za pranje auta. Na tom mjestu vlasnik predmetne parcele planira izgraditi objekt samouslužne autopraonice.

Akti o građenju, okolinska dozvola i stari vodni akti su izdani na prethodnoe vlasnike, odnosno korisnike. Podnosilac zahtjeva je priložio zemljišnoknjižni uložak kao dokaz vlasništva na predmetnoj nekretnini.

Od strane AVP Sava je dobijena potvrda da je korisnik predmetnog objekta izmirio obaveze po osnovu plaćanja vodnih naknada.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva ovog Rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog.

Na osnovu provedenog postupka konstatuje se da je podnosilac zahtjeva, „EURO COP INVEST“ d.o.o. Bosanska Krupa, ispunio minimum uslova za izdavanje vodne dozvole te je riješeno kao u dispozitivu ovog rješenja. Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- „EURO COP INVEST“ d.o.o. Bosanska Krupa, Ljusina bb, 77 244 Otoka,
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava